



Concello de Meaño



CONVENIO DE COLABORACION ENTRE O CONCELLO DE MEAÑO (NIF P3602700A) E A ASOCIACIÓN ESPAÑOLA CONTRA EL CANCER (CIF G28197564) PARA FINANCIACIÓN DE PROGRAMAS DE ATENCION PSICOSOCIAL E PREVENCIÓN DO CANCRO. EXERCIZO 2025.

En Meaño, REUNIDOS:

Dunha parte, D. Carlos Viéitez Fernández, con DNI nº ****972**, actuando en nome e representación do Concello de Meaño, na súa calidade de Alcalde, en virtude das facultades representativas que lle atribúe a Lei 7/1985 de 2 de abril, Reguladora das Bases do Réxime Local e a Lei 5/1997, do 22 de xullo, de Administración Local de Galicia.

Doutra parte, D^a Blanca Ana García Rodríguez con DNI nº ****507** na súa calidade de Presidente/a da Junta Provincial de Pontevedra da Asociación Española contra el Cancer (o cal acredita mediante certificación da Secretaría da Asociación).

Atendendo ao disposto no artigo 2.1 da Lei 38/2003, de 17 de novembro, xeral de subvencións, que esixe para que as disposicións dinerarias realizadas polas entidades locais teñan a condición de subvencións que estas non teñan contraprestación directa do beneficiario, que estean suxeitas ao cumprimento dun determinado obxectivo, a realización dunha actividade ou a adopción dun comportamento singular, xa realizados ou por desenvolver, cumprindo as obrigas materiais e formais que se estableceran, e que estas condutas teñan por obxecto o fomento dunha actividade de utilidade pública, interese social ou a promoción dunha finalidade pública.





Concello de Meaño

Co fin de dar cumprimento ao previsto no artigo 28.1 da Lei 38/2003, de 17 de novembro, que considera os convenios como os instrumentos habituais para a canalización das subvencións nominativas, ambas partes na representación que legal e regulamentariamente teñen concedida, recoñecéndose reciprocamente plena capacidade para a sinatura do presente **CONVENIO EXPOÑEN:**

PRIMEIRO.- Que o Concello de Meaño ten entre as súas competencias a de “Avaliación e información de situacións de necesidade social e a atención inmediata a persoas en situación ou risco de exclusión social “, de acordo co previsto no artigo 25.2.e) da Lei 7/1985, do 2 de abril, Reguladora das bases do Réxime Local así como “A prestación dos servizos sociais e a promoción e reinserción sociais” segundo o artigo 80.2 k) e “A participación na xestión da atención primaria da saúde” segundo o artigo 80.i) da Lei 5/1997, de 22 de xullo, de Administración Local de Galicia.

A Constitución Española de 1978 , no seu artigo 40, recoñece o dereito á protección da saúde, establecendo que *“Compete a los poderes públicos organizar y tutelar la salud pública a través de medidas preventivas y de las prestaciones y servicios necesarios. La ley establecerá los derechos y deberes de todos al respecto.”*

A Asociación Española contra el Cancer desenvolve actividades de Atención Piscosocial e prevención do cancro.

Ditas actividades permiten o acceso a veciños de Meaño a tratamentos e programas de apoio e prevención aos que, doutro xeito, no poderían acceder.

SEGUNDO.- O presente convenio ten por obxecto establecer o marco de colaboración entre o Concello de Meaño e a Asociación Española contra el Cancer para contribuir á financiación dos gastos correntes dos programas de Atención Piscosocial e prevención do cancro realizados con usuarios do Concello de Meaño de entre os servizos ofertados pola Asociación de cara a lograr unha mellora da calidade de vida das persoas afectadas polo cancro así como a prevención do mesmo.





Concello de Meaño

Para elo o Concello de Meaño comprométese a destinar as cantidades que se recollen na Base XII de execución do Orzamento municipal do ano 2025, prorrogado 2024, na que se recolle a seguinte subvención nominativa, que figura no Plan Estratéxico de Subvencións 2024-2027 do Concello de Meaño:

APLICACIÓN	BENEFICIARIO	FINALIDADE	IMPORTE MÁXIMO
231.480003	Asociación Española contra el Cancer G28197564	Atención Pisosocial e prevención	350,00 €

TERCEIRO.- A Asociación Española contra el Cancer ten como fin principal:

* A loita contra a enfermidade do cancro.

Por todo o anterior, ambas as partes asinantes acordan outorgar o presente convenio de colaboración en base con base nas seguintes **CLAUSULAS**:

PRIMEIRA.- O obxecto do presente Convenio é regular a colaboración entre o Concello de Meaño e a Asociación Española contra el Cancer, mediante unha subvención directa, co obxecto contribuir á financiación dos gastos correntes dos servizos prestados a veciños do Concello de Meaño, de entre os ofertados pola Asociación, de cara a lograr unha mellora da súa calidade de vida. A través deste convenio o Concello de Meaño contribúe ao financiamento dos gastos correntes dos PROGRAMAS DE ATENCION PSICOSOCIAL E PREVENCION DO CANCRO que a Asociación Española contra el Cancer preste a veciños do Concello de Meaño no ano 2025.

SEGUNDA.-A Asociación Española contra el Cancer deberá:

- 1) Carecer de ánimo de lucro.
- 2) Realizar as actividades subvencionadas segundo as normas de funcionamento da propia Asociación e as directrices que sinale o Concello.
- 3) Cumprir os requisitos e condicións que determinan a concesión da axuda.
- 4) Admitir nas actividades a que se refire a subvención con carácter prioritario aos veciños de Meaño.
- 5) Someterse as actuacións de comprobación que respecto a xestión dos fondos outorgados





Concello de Meaño

poda facer o Concello, así como calquera outras de comprobación e control financeiro que podan realizar os órganos de control competentes, tanto nacionais como comunitarios, aportando canta información sexa requirida no exercicio de súas actuacións.

- 6) No desenvolvemento destas actividades farase a debida publicidade onde figure o patrocinio das mesmas por parte do Concello de Meaño.
- 7) Non ter débedas co Concello de Meaño.
- 8) Comunicar ao concello de Meaño a obtención de calquera outra subvención, axuda, ingreso ou recurso que financie as actividades que se subvencionan a través do presente convenio. O importe da subvención concedida polo concello en ningún caso será de tal contía que, illada ou en concorrencia con outras subvencións, axudas ou ingresos, supere o custo da actividade subvencionada. Esta comunicación realizarase tan pronto como se coñeza, e en todo caso, con anterioridade á xustificación da aplicación dada aos fondos concedidos polo Concello
- 9) O desenvolvemento pola asociación das actividades subvencionadas non implicará relación laboral ou de natureza similar entre as persoas que vaian desenvolver os programas de intervención terapéutica e o Concello de Meaño, de tal xeito que ao Concello de Meaño non se lle pode esixir ningunha responsabilidade, nin directa, nin indirecta, nin subsidiaria polos actos ou feitos acaecidos no desenvolvemento dos programas de intervención terapéutica desenvolvidos pola Asociación Española contra el Cancer.

TERCEIRA.- O Concello de Meaño comprométese a colaborar no mantemento e promoción de actividades dos programas de atencións psicosocial e prevención do cancro realizados pola Asociación Española contra el Cancer cunha subvención máxima de 350,00 € no ano 2025, con cargo á partida 231.48000 do Orzamento municipal.

CUARTA.-XUSTIFICACIÓN.

Para percibir a subvención deberán presentar a seguinte documentación, **obrigatoriamente** por medios electrónicos na sede electrónica do Concello de Meaño, co enderezo **concellodemearno.sedelectronica.gal**, a través da instancia xenérica dispoñible e a que se





Concello de Meaño

achegará a seguinte documentación:

* Declaración da Presidencia da Asociación das actividades realizadas no período a xustificar asinada electrónicamente.

A necesidade dos gastos de transporte, viaxes, etc que se deriven da actividade deberán xustificarse na declaración da presidencia.

No caso de que un mesmo gasto poida aplicarse a mais dun proxecto ou actividade, ou ben o mesmo non sexa aplicable ao 100% a proxecto/ actividade/finalidade a que se refire este Convenio, explicarse o método seguido para o cálculo do gasto imputado, por exemplo: no caso de atender a usuarios/ beneficiarios de varios concellos en atención a número de usuarios/ beneficiarios do Concello de Meaño; no caso de nóminas atendendo ao número de horas empregado polo traballador nas actividades subvencionadas; etc.

* Facturas, indicando o número de unidades, os prezos unitarios e o custo total de cada unha, relacionadas coa actividade subvencionada. De tratarse de gastos de monitores ou director presentaran nóminas, facturas ou liquidacións debidamente asinada polo beneficiario en a que se reflexen os datos persoais, concepto e o importe íntegro da prestación, o importe da retención correspondente ao IRPF e o importe líquido a percibir polo interesado e deberá achegarse o modelo 111 e a Relación Nominal de Traballadores (de ser o caso).

Estes documentos probatorios estarán conformados electronicamente polo/a Presidente/a da asociación, con indicación do DNI.

As facturas deberán de cumprir coa normativa de facturación.

* Certificación de estar ó corrente no cumprimento das obrigas tributarias (Facenda do Estado, Facenda da Comunidade Autónoma e fronte á Seguridade Social).

* Declaración-certificación asinada electronicamente polo Presidente/a, Secretario/a e Tesoureiro/a da Asociación, segundo Anexo I que se achega.

* Conta xustificativa do gasto, segundo Anexo II que se achega, asinada electrónicamente

* Certificación bancaria na que conste a titularidade da conta bancaria da asociación.

* Acreditación de ter realizado o pago do/s gasto/os xustificado/os mediante transferencia bancaria para facturas por importe maior o igual a 1.000,00 € (artigo 7 da lei7/2012, de 29 de





Concello de Meaño

outubro, de modificación de la normativa tributaria y presupostaria y de adecuación de la normativa financeira para la intensificación de las actuacións en la prevención y loita contra el fraude). Cando sexan facturas pagadas en metálico (< 1.000,00 €), debe constar ademais o pagado ou xustificante de recepción emitido pola empresa, selado e rubricado (nome e DNI ou CIF e sinatura). De acordo co establecido no artigo 31.2 da Lei 38/2003, así como no artigo 29 da Lei 9/2007, de subvencións de Galicia, se considera gasto realizado o que fora efectivamente pagado con anterioridade á finalización do período de xustificación.

* Acreditación de contar co seguro de responsabilidade civil e ao corrente do seu pago (No caso de non xustificalo para a anualidade completa no intre de formalizar o convenio).

* Xustificación da publicidade onde figure a subvención das mesmas por parte do Concello de Meaño con escudo do Concello e texto Concello de Meaño (Notas de prensa, material de divulgación, papelería, lonas publicitarias, páxina web e redes sociais de asociación, etc.)

*O Concello de Meaño poderá consultar e/ou poñer en coñecemento da Axencia Tributaria, da Seguridade Social ou de calquera outro organismo/ administración competente, as dúbidas ou incidencias que xurdan en relación coas facturas, nóminas e/ou pagos que se presenten para a xustificación da axuda concedida.

Si a documentación presentada non reúne os requisitos esixidos requirirase á asociación, de conformidade co establecido no artigo 68 da Lei 39/2015, de 1 de outubro, do Procedemento Administrativo Común das Administracións Públicas, para que nun prazo de 10 días hábiles emende as faltas ou presente os documentos preceptivos.

No caso de non enmendar no citado prazo, darase un novo e improrrogable prazo de 5 días hábiles.

De non enmendar os defectos nos citados prazos terase por desistida a solicitude, que se arquivará sen máis trámite.

Á vista da documentación xustificativa presentada, a Xunta de Goberno estimará o cumprimento das actividades subvencionadas, e procederá , no seu caso ó recoñecemento e pago da mesma.

O aboamento da subvención ou axuda farase efectivo por medio de ingreso na conta bancaria da entidade financeira que conste no Rexistro de Asociacións do concello sinalada pola entidade





Concello de Meaño

beneficiaria na documentación achegada.

O prazo de xustificación rematará o día 30 de NOVEMBRO do ano en curso. De non xustificarse en dito prazo perderase o dereito a esixila.

A entidade beneficiaria deberá conservar os documentos xustificativos dos fondos percibidos, así como a documentación contable que lle sexa esixida na súa lexislación aplicable, co fin de facilitar as actuacións de comprobación e control.

CUARTA.- A Asociación Española contra el Cancer queda sometido á responsabilidade e ó réxime sancionador establecido no artigo 40 do Texto Refundido da Lei reguladora das Facendas Locais así como no Título IV da Lei 38/2003, de 17 de novembro, Xeral de Subvencións.

QUINTA.- Para o cumprimento do presente convenio créase unha Comisión Mixta de Seguimento, formada pola Concelleira de Servizos Sociais e Igualdade, un/unha empregado/a pública do Concello de Meaño e o presidente do Asociación Española contra el Cancer.

Dita Comisión será a encargada do seguimento, interpretación e control do convenio, así como, de ser o caso, arbitrar os mecanismos de solución de controversias e de denuncia do convenio por algunha das partes.

SEXTA.- O Concello de Meaño resérvase o dereito a orientar tecnicamente as actividades, a comprobar os datos económicos así como a supervisar a efectiva realización das memas, e a entender e dar a coñecer publicamente as actividades subvencionadas.

O Concello de Meaño poderá revogar as axudas previstas neste convenio nos seguintes casos:
-Obtención da subvención falseando as condicións requiridas para elo ou ocultando aquelas que o impidiran.

-Incumprimento total ou parcial do obxectivo da actividade a subvencionar.

-Incumprimento das obrigas de adoptar as medidas de difusión.

-Resistencia, escusa ou obstrución ou negativa ás actuacións de comprobación e control.

- Non asinar o convenio no prazo sinalado polo Concello.

O incumprimento de calquera das cláusulas do Convenio constituirá causa suficiente de rescisión





Concello de Meaño

deste.

SÉTIMA .- O presente convenio entrará en vigor na data da súa sinatura estendéndose a duración do mesmo ata o día 30 DE NOVIEMBRE. Non obstante o mesmo abarcará as actuacións obxecto deste convenio que se realicen pola entidade desde o comezo do corrente ano (2025).

OITAVA.- O presente convenio ten natureza administrativa e elaborase no marco Lei 40/2015, do 1 de outubro, de Réxime Xurídico do Sector Público, da Lei 38/2003, do 17 de novembro, Xeral de Subvencións, do R.D. 887/2006, de 21 de xullo polo que se aproba o Regulamento da Lei Xeral de Subvencións, na Lei 9/2007, do 13 de xuño de subvencións de Galicia e Decreto 11/2009, do 8 de xaneiro; rexéndose polo disposto nas cláusulas do mesmo e, no seu defecto, pola lexislación sinalada. Será competente para entender nos litixios que puideran xurdir a Xurisdición Contencioso-Administrativa.

NOVENA.- De conformidade coa Lei 38/2003, do 17 de novembro, o convenio de colaboración e a información sobre a subvención articulada no mesmo serán comunicados á Base de datos nacional de subvencións do Ministerio de Hacienda.

O presente Convenio obriga ao cumprimento do expresamente pactado, someténdose ambas as dúas partes ó acordado en tódalas estipulacións.

En proba de conformidade asinan o presente Convenio, que se estende por duplicado, no lugar e data anteriormente indicada.

O ALCALDE

O/A PRESIDENTE/A DA ASOCIACIÓN

